

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӖДЛАН КОТЫРЛӖН

#### ШУӖМ

**Россия Федерацияса Оланподулӧ вежсьӧмьяс вынсьӧдӧм серти  
ӧтувроссияса гӧлӧсуйтӧмсӧ дасьтыны отсалан мероприятияс  
збыльмӧдӧм вылӧ Коми Республикаса республиканскӧй сьӧмкудйын  
урчитӧм сьӧм видзан пӧрадок вынсьӧдӧм йылысь**

«Россия Федерацияса торья оланпастэчас актъясӧ вежсьӧмьяс пыртӧм йылысь» 2020 во урасьӧм тӧлысь 27 лунся 27-ФЗ №-а Федеральнӧй оланпаслӧн 6 статья, Коми Республикаса Юралысьлӧн 2020 во рака тӧлысь 17 лунся 45-р №-а тшӧктӧмлӧн 7 пункт серти Коми Республикаса Веськӧдлан котыр шуис:

1. Вынсьӧдны Россия Федерацияса Оланподулӧ вежсьӧмьяс вынсьӧдӧм серти ӧтувроссияса гӧлӧсуйтӧмсӧ дасьтыны отсалан мероприятияс збыльмӧдӧм вылӧ Коми Республикаса республиканскӧй сьӧмкудйын урчитӧм сьӧм видзан пӧрадок содтӧд серти.

2. Тайӧ шуӧмыс вынсялӧ сійӧс примитан лунсянь.

Коми Республикаса Веськӧдлан котырӧн

Юрнуӧдысьӧс Медводдза вежысь –

Коми Республикаса Юралысьлӧн

Администрацияӧн Юрнуӧдысь

М. Порядин

Сыктывкар

2020 вося рака тӧлысь 31 лун

148 №

## ВЫНСЬӦДӦМА

Коми Республикаса Веськӧдлан котырлӧн

2020 во рака тӧлысь 31 лунся 148 №-а шуӧмӧн

(содтӧд)

Россия Федерацияса Оланподулӧ вежсьӧмъяс вынсьӧдӧм серти ӧтувроссияса  
гӧлӧсуйтӧмсӧ дасьтыны отсалан мероприятияяс збыльмӧдӧм вылӧ Коми

Республикаса республиканскӧй сьӧмкудйын

урчитӧм сьӧм видзан

### ПӦРАДОК

1. Тайӧ Пӧрадокыс индӧ сьӧм видзан нырвизьяссӧ да сьӧм юклан, индӧм сьӧм видзӧм йылысь отчетносьт сетан пӧрадоксӧ, мыйта вичмӧдӧма Коми Республикаса республиканскӧй сьӧмкудйысь 2020 воын Россия Федерацияса Оланподулӧ вежсьӧмъяс вынсьӧдӧм серти ӧтувроссияса гӧлӧсуйтӧмсӧ (водзӧ – ӧтувроссияса гӧлӧсуйтӧм) дасьтыны отсалӧм вылӧ, а сідзжӧ Россия Федерацияса гражданылы татшӧм дасьтӧм йылысь юӧртны отсалӧм вылӧ (водзӧ – ӧтувроссияса гӧлӧсуйтӧмсӧ нуӧдны отсалӧм).

2. Ӑтувроссияса гӧлӧсуйтӧмсӧ нуӧдны отсалӧм вылӧ рӧскӧдсӧ збыльмӧдӧны Коми Республикаса республиканскӧй сьӧмкудйысь сьӧм тшӧт весьтӧ, мыйта вичмӧдӧма Коми Республикаса бӧрйысян комиссиялы. Коми Республикаса республиканскӧй сьӧмкуд сьӧмӧн медшӧр вӧдитчысьӧн, мыйта вичмӧдӧма ӧтувроссияса гӧлӧсуйтӧмсӧ нуӧдны отсалӧм вылӧ, лоӧ Коми Республикаса бӧрйысян комиссия.

3. Тайӧ Пӧрадок вынсялӧм бӧрын 15 лунысь оз сӧрджык Коми Республикаса бӧрйысян комиссия юклӧ сьӧмсӧ асьыс уджмогъяссӧ олӧмӧ пӧртӧм вылӧ, а сідзжӧ мутасса бӧрйысян комиссияяслы, мыйта урчитӧм пӧрадокын урчитӧма Коми Республикаса республиканскӧй сьӧмкудйын ӧтувроссияса гӧлӧсуйтӧмсӧ нуӧдны отсалӧм вылӧ.

Мутасса бӧрйысян комиссия, кодӧ лоӧ юридическӧй кывкутысьӧн

(водзö – мутасса бöрйысян комиссия), Коми Республикаса республиканскöй сьöмкудйысь öтувроссияса гöлöсуйтöм нуöдны отсалöм вылö урчитöм сьöм юклöм йылысь Коми Республикаса бöрйысян комиссияөн помшуйтöм примитöм бöрын 10 лунысь оз сёрджык юклö сылөн веськöдöм улö воём Коми Республикаса республиканскöй сьöмкуд сьöмсö асьыс уджмогъяссö да участковöй бöрйысян комиссияслысь уджмогъяссö олöмö пöртöм вылö.

4. Öтувроссияса гöлöсуйтöмсö нуöдны отсалöм вылö Коми Республикаса республиканскöй сьöмкудйысь вичмöдöм сьöмсö Коми Республикаса бöрйысян комиссия да мутасса бöрйысян комиссияс видзöны тайö Пöрадокөн урчитöм могъяс вылö асьныс.

5. Бöрйысян комиссияслысь Коми Республикаса республиканскöй сьöмкуд сьöм тшöт весьтö могмöдсьö сьöмөн татшöм рöскöд:

1) гражданылы, кодъясöс босьтлöны бöрйысян комиссиясын удж вылö, граждана-инöда сёрнитчöмъяс серти, а сідзжö бöрйысян комиссиясö пырысьяслы öтувроссияса гöлöсуйтöм нуöдан юалöмъяс серти Россия Федерацияса гражданылы адреснöя юöртöмысь мынтöмъяс вылö;

2) печатнöй да сувенирнöй прöдукция вöчöм да вайöм вылö;

3) оборудование (сы лыдын технологическöй), мукöд материалнöй донаторъяс да рöскöд материалъяс ньöбöм, вайöм да пунктöм вылö, мыйяс колöны öтувроссияса гöлöсуйтöмсö дасьтöм да нуöдöм да бöрйысян комиссияслысь уджсö могмöдöм вылö;

4) транспорт рöскöд вылö, сы лыдын гöлöсуйтöмсö сьöкыда воöдчан да ылысса местаясын, гöлöсуйтöмсö гöлöсуйтöм вылö жырйысь бокын нуöдигөн, бöрйысян комиссияслысь документациясö вайигөн;

5) связь услугаяс вылö;

6) Россия Федерацияса гражданылы юöртöм вылö, сы лыдын телефон пыр висьталöмөн, мукöд ногөн, ортсыса юöртан средствояс вöчöм, вайöм да меститöм, аудиовизуальнöй прöдукция вöчöм да меститöм вылö;

7) вузöс, уджъяс, услугаяс ньöбöм вылö, кутшöмъяс йитчöмаöсь гражданылы юöртöмкöд да бöрйысян комиссиясö пырысьясöс велöдöмкöд;

8) юөртан материалъяс меститöмысь йöзöс юөртан средствояслысь, мукöд организациялысь услугаыссö мынтöм вылö;

9) гөлöсуйтöм вылö жыръяс оформитöм вылö;

10) бөрйысян участокъяслөн мутасъясын да зданиеясын, кытчö лöсьöдöма гөлöсуйтöм вылö жыръяссö, öтувроссияса гөлöсуйтöмкöд йитчöм мукöд мероприятие котыртöм да нуöдöм вылö.

Тайö пунктса 1 - 7 пунктывъясын индöм рöскöдсö вöчöны сэк, кор оз тырмы тайö могъяс вылö федеральной сьöмкудйысь сьöмыс, мыйта вичмöдöма бөрйысян комиссияяслы öтувроссияса гөлöсуйтöмсö котыртöм да нуöдöм вылö.

6. Öтувроссияса гөлöсуйтöмсö нуöдан юалöмъяс серти Россия Федерацияса гражданылы адреснöя юөртöмысь бөрйысян комиссияясö пырысьяслы мынтысьöны граждана-инöда сёрнитчöмъяс серти Коми Республикаса бөрйысян комиссияөн урчитöм пöрадокын.

7. Öтувроссияса гөлöсуйтöмсö нуöдны отсалöм вылö бөрйысян комиссияяслы вичмöдöм сьöм тшöт весьтö вузöс, уджъяс, услугаыс серти закупкаяссö вöчöны юридической кывкутысьяскöд, асшөр уджалысьяскöд контрактъяс, граждана-инöда сёрнитчöмъяс, торъя йöзкöд сёрнитчöмъяс кырымалöмөн Россия Федерацияса оланпастэчаслөн положениеяс серти «Канму да муниципальной могъяс вылö вузöс, уджъяс, услугаыс серти закупкаяс юкöнын контрактной система йылысь» Федеральной оланпаслөн 1 статьяса 2 юкöнын 6, 7 да 9 пунктъяссö тöд вылö босьтöмөн.

8. Öтувроссияса гөлöсуйтöмсö нуöдны отсалöм вылö рöскöдсö збыльмöдигөн бөрйысян комиссияяс торйөн нуöдöны сьöмкуд серти (бухгалтерской) учёт, лöсьöдöны сьöмкуд серти (бухгалтерской) да мукöд финансöвöй отчётносьт оланпастэчас серти, а сідзжö збыльмöдöны сьöмкуд сьöм босьтысьлысь уджмогъяссö, кутшöмъясöс урчитöма Россия Федерацияса сьöмкуд кодексөн.

9. Мутасса бөрйысян комиссияяс помöдз видзöны öтувроссияса гөлöсуйтöмсö нуöдны отсалöм вылö Коми Республикаса республиканской

сьомкудйысь вичмөдөм сьомсө Коми Республикаса бөрйысян комиссияö отувроссияса гөлөсуйтөмсö нуодны отсалөм вылө Коми Республикаса республиканскöй сьомкудйысь вичмөдөм сьом видзөм йылысь отчөтьяс сеттөдз тайö Пöрадок дорö содтöдын индөм форма серти (водзö – отчөт).

10. Мутасса бөрйысян комиссия сетö Коми Республикаса бөрйысян комиссияö отчөтсö отувроссияса гөлөсуйтөмсö нуодан лунсянь 15 лунысь оз сёрджык.

11. Коми Республикаса бөрйысян комиссия сетö Коми Республикаса Юралысьлөн Администрацияö отчөтсö отувроссияса гөлөсуйтөмсö нуодан лунсянь 23 лунысь оз сёрджык.

12. Коми Республикаса Юралысьлөн Администрация сетö Коми Республикаса Юралысьлы отчөтсö отувроссияса гөлөсуйтөмсö нуодөм бöрын 28 лунысь оз сёрджык.

13. Отувроссияса гөлөсуйтөмсö нуодны отсалөм вылө Коми Республикаса республиканскöй сьомкудйысь бөрйысян комиссияяслы вичмөдөм сьомсö, мый колис видзтөг, отувроссияса гөлөсуйтөмсö нуодан лун бöрын видзны оз позь, кырымалөм сёрнитчöмьяс да контрактьяс серти мынтөм вылө урчитөм сьом кындзи.

14. Коми Республикаса республиканскöй сьомкуд сьомсö торья мог вылө видзөм бöрся, мыйта вичмөдöма отувроссияса гөлөсуйтөмсö нуодны отсалөм вылө, урчитөм пöрадокын видзөдöны Коми Республикаса бөрйысян комиссия да канмусянь финансöвöй контроль нуодан органьяс.

Россия Федерацияса Оланпудулö  
 вежсьöмьяс вынсьöдöм серти  
 öтувроссияса гөлöсуйтöмсö дасьтыны  
 отсалан мероприятияяс збыльмöдöм  
 вылö Коми Республикаса  
 республиканскöй сьöмкудйын урчитöм  
 сьöм видзан пöрадок дорö

СОДТÖД

Форма

Коми Республикаса республиканскöй сьöмкудйысь 2020 воын öтувроссияса  
 гөлöсуйтöмсö дасьтыны, а сідзжö Россия Федерацияса гражданы татшöм  
 дасьтöм йылысь юöртны отсалöм вылö вичмöдöм сьöм видзöм йылысь

**ОТЧЁТ**

Д/ в№	Сьöм видзан нырвизь	Öтувья мында, шайт
1.	Гражданы, кодьясöс босьтлöны бöрйысян комиссиясын удж вылö, гражданина-инöда сёрнитчöмьяс серти, а сідзжö бöрйысян комиссиясö пырысьяслы öтувроссияса гөлöсуйтöм нуöдан юалöмьяс серти Россия Федерацияса гражданы адреснöя юöртöмысь мынтöмьяс	
2.	Печатнöй да сувенирнöй прöдукция вöчöм да вайöм	
3.	Оборудование (сы лыдын технологическöй), мукöд материалнöй донаторьяс да рöскod материальяс ньöбöм, вайöм да пунктöм вылö, мыйяс колöны öтувроссияса гөлöсуйтöмсö дасьтöм да нуöдöм да бöрйысян комиссияслысь уджсö могмöдöм вылö	
4.	Транспорт рöскod	

5.	Связь услугаяс	
6.	Россия Федерацияса гражданагы юөртөм, сы лыдын телефон пыр висьталөмөн, мукөд ногөн, ортыса юөртан средствояс вөчөм, вайөм да меститөм, аудиовизуальной прөдукция вөчөм да меститөм	
7.	Вузөс, уджъяс, услугаяс ньөбөм, кутшөмьяс йитчөмаөсь гражданагы юөртөмкөд да бөрйысян комиссиясө пырысьясөс велөдөмкөд	
8.	Юөртан материалъяс меститөмысь йөзөс юөртан средствояслысь, мукөд организациялысь услугаяссө мынтөм	
9.	Гөлөсуйтөм вылө жыръяс оформитөм	
10.	Бөрйысян участокъяслөн мутасъясын да зданиеясын, кытчө лөсьөдөма гөлөсуйтөм вылө жыръяссө, өтувроссияса гөлөсуйтөмкөд йитчөм мукөд мероприятие котыртөм да нуөдөм	

Лыткин

Пас лыд 9019